

بازار ایرانی فی ۷ ربیع الآخر سنه ۱۳۲۸ و فی ۵ نیسان سنه ۱۳۲۶

جمعیت علمیہ اسلامیہ نك ناشر افکاریدر

مدیر مسئول :
مکتب نواب معلملرندن
کایسلی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

ادبیات :	سیاست شرعیہ ابن حازم فرید
چفتجی ع . عاطف	تاریخ اسلام صحائفندن طاهر المولوی
کوز یاشی طاهر المولوی	بر نطق مصطفی صبری
ربیعہ ناطمی شیخ سعدی، مترجی طاهر المولوی	اسلامده عسکرلک ع . عاطف
ردی علی مافی القول الجید من الردی مصطفی صبری	حیاء حسین حازم

نسخہ سی ۱ غروشددر

آبونه اجرتی (پوسته اجرتیله برابر در)

ممالک اجتبیہ ایچون :
۶۰ . ۱۲۰ فرانق
« ۳۰ . ۶۰ »

استانبول وولایات ایچون :
برسنه لکی ۶۰ غروش
اتی آیلنی ۳۰ «

درج ایدلمیان اوراق اعاده اولنماز

قارئلر مرزہ :

اکثر مقالہ ایات کریمہ و احادیث نبویہ درج ایدلمش بولندینی نظر اعتبارہ آلهرق رعایاسزلکنده بولنمامسی رجا اولنور

درسعادت

طنین مطبعه سنده طبع اولنشدر



پازار ایرتسی کونلری نشر اولنور دینی، ادبی، سیاسی وفنی هفته لق غزته در .

ایسه اون بش کونا د بر یازارق خدمت وطنیده بولنق
ارزو ایدیورم .

سیاست شرعیہ

۲۷

استعین بالله « واذتقول للمذی انعم الله علیه وانعمت
علیه امسک علیک زوجک و اقاله الخ » آیت کریمه سیله
بوندن مقدم نازل اولان « وما کان المؤمن ولا مؤمنة اذا قضی
الله ورسوله امرا » آیت شریفه سیکه زینب وزید مسئله سی
حقنده شرفصادر اولمشدر .

زید وزینب مسئله سی — اولادلق حقنده کی عادات جاهلیه —
ذهنه تبادر ایدن براء تر اضه جواب — فرانسه قانونک اولادلق
حقنده اتخاذ ایتدیکی اصول — چین قانونجه متخذ اصول —
بونلرک سیاست شرعیه ایله مقایسه سی — یتیمک تعریفی —

« سیاست شرعیه » سر لوحه سی حقنده بوستونلر ده یازدیغمز
سلسله مقالات محترم قارئلر مزدن مظهر التفات اولدیغندن
شرع ایله قوانینک برنوع مقایسه سی دیمک اولان شوبحی
ممکن اولدیغی درجه ده توسیعه دوام ایده جکم کوتاهییه
مدعی عمومی معاونلکته تعینمده قارئلر مه وعدا یدلمش ایدی .
فقط و فرت امور تمامیه انجهاز وعد ایتدیرمدی .
اشته بودفعه یکر می یدنجی مقاله مزده سویلایکمز اوزره
« اولادلق » بحثدن ینه بسمله کش ابتدار وهیچ اولمز

زینب بنت جحش که . جناب رسالتما ب افندمزک
عموجه لرینک یعنی امیمه بنت عبدالمطلب کریمه عفت
فهیمه لریدر . زیر تربیه رسالتپناهیده بولنان زینبی پیغمبر
ذیشان افندمز کوله سی اولان زید بن حارثیه نشانلادیغی
زمان کرک زینب و کرک برادری عبدالله بن جحش امتناع
ایتملریله « وما کان المؤمن ولا مؤمنة الخ » آیت کریمه سی
نازل اوله رق حبیب اکر مه اطاعتک موجب فیض وسعادت .
عصیانک ایسه باعث ضلالت اوله جتی بیان بیورلمغاد

رسالتآب واقف ايکن رغبت کوستريموب زیده نکاح
ايتمش ایدی . ناصل اولورده باشقه سنک نکاحنده ايکن
مہبط انوار يقين اولان قلب محمدیدہ برنائرہ محبت فورانہ
کلور ؟

ثانیاً : اقربادن اولان نسوانہ نظرشہوتلہ باققعادات
بشریہ خلافی اولقلہ برابر جناب حق حیب اکرمہ
(ولا تمدن عينک الى مامعنا به ازواجاً منهم زهرة الحياة
الدنيا) بیورمش ايکن نہی الہیہ قارشورسول ذیشانک
مخالفتی ناصل توہم اولنہ بیلور .

ہر درلو شوائب اغراضدن مصون بواندیني آیات وادلہ
متعددہ ایلہ ثابت اولان قلب محمدیدہ آخرہ تزویج ایتدیکی
عموجہ سنک قزی حقتدہ بویلہ برحاک و قوعی ناصل ذہنہ
تبادر ایدہ بیلور .

حتی نبی محترمک رأفت و مرحمتی اودرجہدہ ایدی کہ
بودفعہ بیلہ زینبک بدایتدہ زیدہ قارشو رغبت کوسترمہ مسی
اوزینہ بین الزوجین بو آشیانہ عائلہ نک حسن معاشرتی
اخلال ، شئون معیشتی افساد ایتامک مقصدیلہ سید
المصلحین اولان افندہ من زینبک زیدہ اقترانی ایچون ترغیبہ
بولنمشدر . فقط تأهلدن صکرہدہ زینب نسبہ مفتخرأ
وعرقاً آندن اکرم وحریہ آندن اصاح بولنہ نہ بناء
دائماً زوجی زیدہ قارشو اذادہ قصور ایتمز ایدی .

زید بن حارثہ دفعاتہ تطلیق ایدہ جکی بیانیلہ فخر عالم
افندمرہ شکایتدہ بولندیني حالہ طلاقک زینبی متأذی
قیلہ جنی و حیثیتہ شین و یرہ جکی والحاصل بوبادہ کی
معاملاتک کافہ مسی قاب رسولہ الہام بیورلدیني حالہ علو
مقام نبوتپناهی بوکا رضا کوسترمہ رک ینہ زیدہ (امسک
علیک زوجک و اتق الله) بیورر ایدی . وارزو ایتزدی کہ
محمد اولادانک مطلقہ سنی تزویج ایدہ جک دنیلسون .
شو قدر کہ برمدت صکرہ ادامہ معاشرت غیر قابل تألیف
بررنک آلتجہ زیدہ طلاق خصوصندہ سماحت بیوردیلر .
طلاق وقوعندن صکرہ فخر عالم افندمرک زینبی تحت

زینب و برادر ی عبداللہک (راضی ز یارسول اللہ) دیرک
فعل رسولہ انقیاد ایتلمی اوزرینہ جناب فخر عالم افندمر
درحال امر نکاحی اجرا و مہریني تسمیہ ایدی .
بر لطف و عنایت پیغمبری اولق اوزرہ تحت تربیہ سندہ
بولتمق سرفیالہ مباهی و قدر و مزیتی دوبالا اولان زینبی
حیب اکرم افندمر عادتاً بر پدرک اولادینہ ایتدیکی
معاملہدن دہا زیادہ ارأئہ شفقت بیورروب اولادانی
اولان زید بن حارثیہ نکاح ایدرک مزبورہ نک جزئی بر
مخالفتی اوزرینہ حقتدہ فرمان الہی بیلہ نازل اولمشدر .
فقط مؤخرأ حسن امتزاج ایدہ مدکلرندن زید بن حارثہ
کندیسنی تطلیق ایتمکہ مومی الیہ اطرف رسالتپناہیدن تزویج
بیورملق صورتیلہ زوجات مطہرات میانہ دخول کبی بر
سرفہ نائلیتلہ بکام بیورلمشدر .

دین مبین اسلامہ برہانہ ایلہ اعتراض ایچون وسیلہ
جوی فرصت اولان بعض سبکہ غز مستشرقلر بومسئلہدہ
دخی سنک اندازتعرض اولمقدن کندیلرني الہام مشلردر .
شویلہ کہ ، بونلرک زعم باطلنجہ کویا برکون حیب
ذیشان افندمر زید بن حارثہ نک خانہ سنہ کیدرک کندیسنی
اورادہ بولامامقلہ زینبی کورمش و قلب محمدیدہ زینہ
قارشو عشق و محبت حاصل اولمغلہ زیدہ تطلیق ایتدیروب
ذات رسالتپناہیری تزویج بیورمشدر .

شو ہذبانک دہا دوغریسی پک الحاقجہ سنہ اولان
شو تعریضات دنائتکارانہ نک اخلاق محمدیدہ برسوء تصور
حاصل ایدہ میہ جکی اظہر من الشمس ایسہدہ معتزلرہ
قارشو برایکی سوز سويلک لازمدر .

معلومدر کہ تربیہ نبوتپناہیدہ پرورشیاہ کمال اولان
زینبہا کر قلب محمدیدہ ذرہ جہہ بر اثر محبت بولنہ سہ
واکر حسن جمال قلب نبوتپناہی یہ غلبہ ایتسہ ایدی
زینبی نیمہ اولہرق دکل بلدک حجر و تربیہ سندہ باکرہ بولندیني
زماندہ تزویج ایدردی . باخصوص تربیہ پیغمبریدہ بولندیی
صرہدہ دکل نصرت جمالتہ باجملہ محاسن ظاہرہ سنہ جناب

زینی تزوج ایدنجه « محمد اوغلنك حلیه سنه تزوج ایتدی » دینلمسیله [ماكان محمد ابا احد من رجالكم] آیت کریمه سی نازل اوله رق اولاداق مسئله سی حقنده بین العوام زبانزد اولان شبهه بو صورتده دفعه و تصریح اولندی .

علماء متأخریندن شیخ محمد عبده دیورکه . بر رفیق ایله برابر بیرونده امریقالی معلملرخی زیارت ایدیوردی بونلردن بریله مباحثه مزده (الذی احسن کل شیء خلقه) آیت کریمه سی موضوع بحث اولمغله امریقالی (حتی زینب زوجة زید بن حارثه) دهرک حادثه مسروده یه تلمیحاً تعریض ایتسیله ارقداشم « سبحان الله ! ذات عالیبری علوم سماویه و عقلیه ایله مشغول اولدیگزده بطلانی بدیهی اولان بوکی مسائل یقینه عقل ایردیره مدیکیز باخصرص مسائل دینه یه متعلق مباحثه لرده شهرتجهده بر موقع عالی احرار ایتمشکنر طوغریسی یا تأسفف ایتدم . نبی محترم اولادلغك حقیقی اولاد اولمادیغنی اومسئلهده کوستردی هم نه حاجت « هوا بن » دیدیکمز شیئی اولاد حقیقمیدر ؟ مثلاً لسان انجیلده « مسیح » ابن ایله تاقیب اولنور . حالبوکه بو ابن حقیقمیدر ؟ طبعی دکلدرد . حقیقی اولاد پدرندن ولادت بحیجه ایله میدان کلا ندر « دهرک امریقالی میسیونری تبکیت و تحجیل ایلشدر . شو لطیفه بر مضمون عالی نی محتوی اولمغله حقیقت پك رنگیندر . بیلمام قارئلرم نصل بوله جق ؟

واقعا قیزلردن بعضیسی زمان بکارتنده چرکین اولورده بعدالتاهل صاحبه حسن جمال اولور . عادتا برکسوه حلاوته بورونور . بناء علیه زینبدهده بو حال توهم اوله بیلور . آنک ایچون حضرت پیغمبر بدایتده ارزو کوسترمیده بعدالتاهل اظهار محبت ایتدی سؤالی وارد خاطر اولمالیدر . چونکه زینبده بو حال اولمادیغنی کبی احوال مذکورنك طائفه نسوانده بو وجهله تجلیه سی نادر و توهمه اعتبار ایسه حکمدن ساقط بولندیغندن بو نقطه دن اعتراض مذکور قائل اولانلر کندیلرینك حق

نکاحنه آلمی ایسه اولاداق حقنده کی عادات جاهلیه یی زیروزر ایتک و صنادید جهایه بردرس حقیقت و حکمت و یرمک مقصدینه مستند ایدی . چونکه اوزمانلر شویله برعات جاهلیه حکمفرما ایدیکه برکیمسه بریسی اولاد اتخاذا ایدرسه آرتق کنندیسنك حقیقی اولادی کبی تلقی اولنور . شرف و حسبده . حرمت نسبه عینی اولاد معامله سی کورور حتی میراثه بیله نائل اولور ایدی .

حالبوکه ثبوت نسب صریح اولق ، فراش بحیجه مستند بولمق لازم اولدیغندن بو عقیده جاهلیه یی محواتمک (وما جعل ادعیاءکم ابناءکم ذلک قولکم بافوا حکم الله یقول الحق وهو یدی السیل) (ادعوه لم ابأهم هوا قسط عندالله الخ) آیات کریمه لری مفادیغنی بالفعل اجرا ایچون زینی تزویج بیورمشلردر .

ایشته جناب حبیب اکرم مأمور بهی اتیان صورتیله تنفیذ امره مسارعت بیوروب بوامت نجیبه یه قدوه حسنه اولمش وعادت جاهلیه نك درجه خدمتی تحفیف وازاله بیورمش ایدی .

عکس صورت زمین ملاحظه اولنسه ایدی . احتمالکه اولانجه دهشتیله حکمفرما اولان عادات جاهلیه ده ، نفوس بشریه ده براسمه تراز حاصل اولور . و مقتضای حکمته دخی توافق ایتز ایدی . بوسببه بناء بدایت ازدواجده زینبک امتناعنی تقریر شرع و تنفیذ حکم الهی مقصدیه ترغیمده بولندی . و بو صورتله عادات جاهلیه یی قیروب پارچه لهدی .

بناء علیه مقام نبوت هر دلرو ردائندن مصون اولدیغندن اسانیدی ساقط برطاق روایات نظراعتباره آلتمز . بوبابده الصحیح روایت حضرت عایشه رضی الله عنهادن مروی اولاندر . مشارالیه ایدمشدرکه اگر نبی محترم وحی الهی دن برشی کاتم اولسه ایدی شو آتی کتم ایدردی (واذقول للذی انعم الله علیه وانعمت علیه امات علیک الخ) آیتی قرائت بیورمشدر . وقتا که رسالتناه افندمز

وبلاھتک نمونہ مجسمی بولندیغی ارأه ایتش اولورلر .
 باخصوص نسوان اسلامیه انظار عمومیه به معروض
 اولمدیغندن دها آچیقجهسی آنلرک دامن عصمتی هوا
 پرستانک اک کوچک نظرندن بیله محجوب بولندیغندن
 بو جهندن دخی خاطرہ مذکورہ معلول قالیر .

* *

فرانسز قانوننده بر چوجغی اولاد اتخاذا یتک هیچ
 اولادی اولمایان اشخاصه منحصردر . اولاد انتخاب
 ایدہ جک شخصکده الہی یاشنی تجاوز ایتش وچوجقدہ
 یکرمی یاشنی اکال ایلش بولمنسی و آتی سنہ قدر برمدت
 اولاد اختیار ایدیلہ جک چوجغک مصالح خصوصیه سنہ
 باقش و تربیه سنہ اہتمام ایتش اولسی شرطدر .

دیماک اولیورکہ ، فرانسز قانوننده انتخاب اولاد
 مسئلہسی بعض شروط ایله مقیددر . ہم بو اولاد
 فرانسزلرجه حقیقی اولاد مثابه سنده اولہرق حقوق ارثیه
 وسائرہ جہ عینیلہ اولاد درجه سنده احراز حقوق ایلر .
 یالکز احوال فوق العادہ شراط سالفہ نظر اعتبارہ
 آلمیور . مثلاً چوجق طغیان میاء ، حریق کبی بر تہلکہ دن
 کندیسنی ، اولاد اتخاذا ایدہ جک ذاتک حیاتی قورتاریرایہ
 آرتق شراط مذکورہ نظر اعتسارہ النہ میوب یالکز
 سنابینلرنده بر کونلاک اولون فرق اولسی لازمدر .
 شو صورتده حقوق ارثیه نائلیت نقطہ سنندن فرانسزلرک
 حقوق عادات جاہلیہ به تمامیلہ تطابق ایدر .

چین قانوننک اون طقوزنجی مادہ سنده تربیه و تنبیدن
 بحث ایدلیدی صرہ دہ دینلیورکہ ، برکیمسہنک اولادی
 بولمز ایسہ آنا بابا براوغلان قرداشنک یتیمی اودہ یوق
 ایسہ بابا براوغلان قرداشنک بونکده فقدانی حالندہ انابر
 اوغلان قرداشنک دردنجی درجہ دہ قیز قرداشنک عمو جہ ،
 خالہ ، تیزہ ، دای کبی اقربانک یتیملرینی اولادلق انتخاب ایدہ رک
 تربیه سنہ اعتنا ایدر فقط وقاتیلہ بونلرہ میراث ویرلر .
 یالکز طعام و کسودہ لرینہ کافی بر مقدار شی ویریلیر .

اما بر مقدار مال تبرع ایدلش ایسہ اودہ اعطا اولنور .
 شمدی ترجمہ ایتدیکمز شو مادہ نظر اعتبارہ النہ جق
 اولور ایسہ اولادلق اتخابنک اولادی اولمایانلرہ حصری
 حقندہ کی چین قانوننک بیاناتی فرانسه قانوننہ موافق
 اولوب فقط حقوق ارثیهنک جریان ایتہمہ سی ایله نقاط
 سائرہ سی احکام شرعیہ به مطابقدر . یالکز اولادلغک
 بزم عرفزده مرحالہ اقربادن اتخابی مجبوری دکلددر .

ینہ قانون مذکورک عینی مادہ سنده دینلیورکہ ولد
 اجانب Adoption یعنی اولادلق اولہماز یعنی اولادلق
 اولہرق قبول ایدلر ،

چونکہ عرقک اختلاطی موجب اولور . بناء علیہ
 برکسہ تعداد اولنان اقربادن برینک چوجغی اولادلق
 اولوق اوزرہ طلب ایدہ جک اولور . وجہ سیدہ اولادلرینی
 ویرمکہ طاب و منازعہ ایتلری چینلارک (لی) قانونجہ
 متنوعدر . اولادلقدہ طاب شرط اولوب مطلوب اولان
 چوجغک یتیم اولسی شرط دکلددر .

بزم سیاست شرعیہ مزده یتیم دیہ اناسی وفات ایتش
 چوجغہ دیرلر کتب فقہیہ دہ نکاح بحثندہ مسئلہ موجوددر .
 مع مافیہ بزدہ اولادلق مرحالہ یتیم اولغلہ مشروط
 اولمدیغندن چین قانوننک بوفقرہ سی دخی احکام شرعیہ به
 توافق ایدر . ینہ مذکور قانوندہ اولادلقدہ طلب شرطدر .
 دینلیور بوطبیعی برکیفیت اولغلہ بتون توانین بونقطہ دہ
 اتحاد ایدر .

و ینہ چین قانوننده ولدزنا اولادلق اولہرق قبول
 ایدلر دینلمشدر بوندن اولکی مقالہ لردہ ولدزنا حقندہ
 بر خیل تفصیلات ویرلش اولغلہ اولاد طبیعی دنیلان
 بوچوجقلرکدہ نسبی استلصاق و بزم تعبیر مزجہ استلحاق
 وقوع بولمدیغی تقدیردہ والدہ لرندن ثابت اولہ جغندن اولاد
 اولوق اوزرہ انتخاب اولنہ بیلور .

«مابعدی وار» کوتاہیہ مدعی عمومی معاونی

ابن ہازم : فربہ